

DANASKA J` MAT PISALA

Danaska j` mat pisala
Drobna i mića slova
Ma v sakon slovi j` tuliko bola
Da ga srce ne more podnest.
Prišli su opaki fašisti
V kući na Vrbi se raširili
Bahali se i smeli
Na staron ognjišću se greli
Si kuti obašli
I se zeli
Ča su vridnijega našli.

Mat i otac su morali gljedat
Kot strašne i pogane ruki
Kopaju i ruju po njihovoj muki.
Prez riči su strahotu trpeli
Čvrsto se za ruki držeć
Bol jih je kidala
Ma nisu jaukali
Da ljudi prez duši ne bi znali
Kot jih srce boli.

Sul pravdu zvat oteli?
Milosrđe želeli?
Oboje nigdi va prahi zgaženo leži
Zlo i nesrića sviton se šire
Na krivu vagu poštenje se miri
Samor, kad su morali staro ognjišće pogasit
I dragu kuću na Vrbi pustit
V koj su celi vik živeli
Mat i otac, su vele i krupne suzi v očih imeli.